

福建協和大學中國文化研究會文史叢刊之四

陳
第
年
譜

金雲銘著

金雲銘著

文史叢
刊之四

陳

第

年

譜

私立福建協和大學中國文化研究會出版

中華民國三十五年九月初版

文史叢刊
之四
陳

每冊定價一千元

著作者 金雲銘

發行者

福建福州魁岐
協和大學中國文化研究會

印刷者 協大印刷所

經售處 協大書

版權
所有
不准
翻印

陳一齋先生年譜序

一齋先生以名將而兼碩儒，且爲明代之大旅行家，顧其生平及著述，殊鮮知其詳者。俞曲園號稱淹博，於其隨筆中且有：『言古昔者至國朝而大備矣，然古昔之學溯源於吳才老，而明陳第之毛詩古音考亦其先河也，焦弱侯爲作序稱其有三異，身爲名將，手握重兵，一日棄去，鉅鉢蕭疏，野衲不若，一異也。余讀之不知第爲何許人，深慚譴陋，及觀絳雲樓書目，陳第毛詩古音考二冊，陳景雲注云：『陳將軍季立，出戚少保麾下，一時名將也。』然後知陳第爲戚繼光部將，而檢明史戚繼光傳，又未附見其人，當更詳考之。』之言，曲園若此，他人可知己。夫以一齋先生之鴻猷碩學，卓卓可傳，觀其禦倭守邊，在薊十年，調補文武，敦睦兵民，築城創橋，興學講武，使邊民樂業，行旅不驚，是名將而兼循吏，使上有明臣，假之便宜，則先生勲業，豈止於一遊擊將軍哉！及其拂衣歸里，杜門著書，晚年從事遊歷，四山五嶽足跡殆遍，其行程所經，明代除後先生數十年之徐霞客外，實不多見。顧霞客遊記，時人題詠者甚多，而錢牧齋且稱霞客爲千古奇人，其遊記爲千古奇書，洎至晚近，復得丁文江先生爲之譜，附之圖，而遊跡乃大彰於世，而先生之遊，後世學者反無所知，豈非一大憾事歟？無他，霞客之遊因有日記，其所記事跡路線，山川風物較詳，而先生之遊，雖有兩粵及五嶽諸遊草，然均出之以吟咏，語焉不詳，且其詩以體裁分，而非以年月分，故前

後錯綜，難尋端緒，雖其七世從孫斗初，於道光二十八年重刊其集並譌以年譜，然簡而不明，且錯誤百出，前後顛倒，此即彰與不彰之故歟？余竊感於此，頗欲搜覽遺籍，編定年譜，庶先生之嘉言懿行，不至湮沒，然比年以來，公私蠲集，有志未逮。抗戰七年之夏，余再讀曲園先生之言，因有感於心，乃檢先生之全集讀之，得其生平行事之概，著述之旨，乃不憚炎暑，揮汗爲釋其端緒，旁參羣籍，頗費勾稽，耗時數月，草成斯篇，以應中國文化研究會之徵，祇以人事鞅掌，初稿雖畢，而未遑細校，故擱置者又久之。本年夏，始得再爲增刪，並附以地圖，付之剞劂，間以手邊尙乏數書，如焦竑之澹園集，吳文華之吳襄惠公集，黃汝亨之寓林集等爲之印證，謬誤遺漏之處，在所難免，海內明達若能進而教之，則幸甚焉。

中華民國三十四年七月七日金雲銘序於樵川之寓廬

陳一齋先生年譜

陳第字季立，號一齋，世居連江城西龍西鋪。祖□□，少起赤貧，有丈夫子五，殖財以義，漸置田宅，壽至八十餘，鄉邑推重。祖妣趙氏，處家有法，一錢不私。父木山公，居長，耽悅書史，少履庠序，遭時不偶，乃隱於吏，性謙和，篤孝友，克己不欺。母楊氏，嘗自忍飢寒，以濟閭里，（以上據寄心集嗟思詩六篇作）。先生少穎悟，爲諸生時，博極羣書，喜談兵法，督府俞大猷召致幕中，授以韜鈴方略，盡得其傳。大猷喜曰：「子當爲名將，非書生也」。大司馬譚綸見之曰：「真俞成之流亞矣」。使守古北口要地，一時外屬寧帖，以鯁忤總督吳克，遂拂衣歸，杜門讀書。母歿後，出遊名山大川，足跡遍海內，卽後之徐霞客，亦不是過焉。嘗就金陵焦竑談經，借讀所未見書，著毛詩古音考，屈宋古音義，……諸書，爲發明中國古音之第一人。

明世宗嘉靖二十年辛丑（西曆一五四一），先生一歲。

三月三日，先生生於連江西郊化龍橋北。父木山公，時年三十二，母楊孺人，時年三十一，夢雷震而先生生，隆準方瞳，顴骨高聳，有遊僧見之，試其啼，曰是兒聲出丹田，他日必成遠器。

薊門兵事告先人篇有云：父早歲爲諸生，晚歲爲郡曹，貧窮辛苦，不怨不尤，以二子耳（案先生爲次子，兄曰又山）。

又案寄心集卷五嗟思詩六篇有「父壽七十一，母壽七十五」之句，考木山公卒於萬曆七年（一

五七九），則係生於正德四年（一五〇九），卒時先生已三十九歲，故知其生先生時年係三十二。

是年譚二華（綸）二十二歲，戚南塘（繼光）十四歲，俞肅江（大猷）約三十七八歲，張太岳（居正）十七歲，友人焦弱侯（竑）生，李卓吾（贊）十五歲，友人林龍江（兆恩）二十五歲，邑人吳察所（文華）二十一歲。

嘉靖二十一年壬寅（一五四二），先生二歲。

俺答寇山西，參將張世忠等戰死，詔天下舉武勇士。俞大猷詣巡按御史自荐，兵部尙書毛伯溫送之宜大總督翟鵬，鵬不能用，辭歸，伯溫用爲汀漳守備。

嘉靖二十二年癸卯（一五四三），先生三歲。

是年十月，朱顏入寇，圍攻墓田谷，殺守備陳舜等。

嘉靖二十三年甲辰（一五四四），先生四歲。

嘉靖二十四年乙巳（一五四五），先生五歲。

父木山公始行作吏（據道光舊譜）。

嘉靖二十五年丙午（一五四六），先生六歲。

常隨父祖於阡陌間，按先生有經舊田村詩云：「童時隨父祖，過此心軒豁，叫跳阡陌間，百憂俱不達；……」（五嶽遊草卷一）。

嘉靖二十六年丁未（一五四七），先生七歲。

偕伯兄初讀，一目十行，過目成誦，終身不忘（舊譜）。

十二月倭賊犯寧波台州二郡，大肆殺掠，參看明史本紀、通鑑、明紀。
友人林培之（培）生。

嘉靖二十七年戊申（一五四八），先生八歲。

木山公舉吏事歸，受經家庭，先生不讀傳註，詰之。則曰：兒欲思而得之，不欲以先入妄說鋼鑿府（舊譜）。

是年三月朱執討平覆鼎山（在浙東）賊，將進攻雙嶼（在寧波），使柯喬及都指揮黎秀分駐漳泉福寧，遏賊奔逸，都指揮使盧鏗將福清兵由海門（台州）進，四月遇賊於九山洋，俘日本國人稽天（通鑑明紀）。

嘉靖二十八年己酉（一五四九），先生九歲。

個儻自負（舊譜）。

是年俺答復寇宣府大同，把總江潮，指揮董陽戰死，總兵周尙文擊敗之，斬其魁，未幾尙文卒（歷代名人年譜）。

朱執巡視福建，荐俞大猷爲備倭指揮，破欽廉（安南）賊，任崖州（廣東）叅將，平瓊州黎人（探明史本傳）。

秋七月倭寇浙東，御史陳九德疏劾巡撫朱執擅殺。詔落執職，遣給事中杜汝楨鉉聞。執仰藥死（詳見通鑑明紀）。

冬十月歲繼光（時二十二歲）中式山東武舉鄉試。

嘉靖二十九年庚戌（一五五〇），先生十歲。

是年都御史汪汝孝憤遼東三衛本番素無厭也，嘗出境撲殺諸夷，以此蓄怨，遂通北虜犯古北口。八都魯酋俺答，脫辛愛等糾脅套竄虜大同，虜自宣府趨薊塞（即薊門），攻古北口。都御史王汝孝以失機與石下却之，虜乃從間道至黃榆溝，毀垣而入，汝孝兵潰。虜轉掠懷柔順義，遂逼通州。民運糧至，俘命人走京師請援，上聞，遣都御史王儀以三千騎援，而命文武大臣各半三人，分守都城九門四塞。虜大衆營白河東，近郊火日夜燭天，時勤王兵先後五六萬人馳援，謂以仇鸞爲大將軍，節制諸路兵馬。楊守謙爲兵部侍郎，提督軍務。鸞等皆不敢戰，寇焚掠三日始引去，鸞尾之，兵潰，諸將收斬遺屍以捷聞，加鸞太保，賜金幣，總督京營戎政（採全邊略記卷一，參明紀）。

此次潮河之變，本山公閱邸報，每恨無丈夫子當關爲朝廷洒一腔熱血，先生聞之即能領其意（舊譜）。

按先生出後廢會公書有云：「迨及庚戌之變，則涕泣傷之矣」。可見其幼年即留心國事。顧叔時憲廬生曰：海若亦顯祖也。

嘉靖三十年辛亥（一五五二），先生年一歲。

三月詔開馬市於大同宣府，楊椒山以諫馬市貶狄道典史。

四月寬海禁（明書），明史紀事本末亦云：是年夏四月浙江巡按御史輩威，宿應參前後請寬海禁，下兵部傳書趙錦覆議，從之，自是泊主士豪益自喜，爲奸日甚，官司莫敢禁，又日本國志云：巨魁如汪（直）徐（海）等，皆與倭結，寇皆習倭服飾旗號船幟，題「八幡大菩薩」五字。

嘉靖三十一年壬子（一五五二），先生十二歲。

是年夏四月，倭犯浙江台州，破黃巖，大掠象山定海諸邑（明史紀事本末）。

四月倭掠福建漳泉，蓋此時已蔓延沿海州縣矣。（明書）。

倭賊破寧波昌國衛，大猷擊却之，朱幾夏大破之於海上，焚倭舟五十餘（明史本傳）。

秋七月廷議復設巡視重臣，以都御史王忬提督軍務，巡視浙江海道及興、漳、泉地方，倭巡撫山東，聞命卽日至浙，度所治軍府皆草創，而浙人柔脆不任戰，所受簡書輕，不足督率士吏；乃上疏請假事權，誅賞得便宜，且欲嚴內應之律，寬損傷之條，剿撫勿拘；從之，改巡視爲巡撫；乃任參將俞大猷，湯克寬爲心膂，徵狼土諸兵（按續文獻通考載當時廣西東關那地，南丹歸順諸土司之兵也），其兵在海內爲尤悍，法以七人爲伍，每伍自相爲命，以首級爲上功，宏治以後，隸諸有司，遇警調用；以其性貪淫，調征輒過之處，不許入城）。及募溫台諸下邑桀黠少年，分隸諸將，布列濱海各鎮保，嚴督防禦，浙人恃以無恐云。（明史紀事本末）。

嘉靖三十二年癸丑（一五五三），先生十三歲。

二月甲子倭犯溫州，閏三月海賊汪直糾倭寇瀕海諸郡，至六月始去。（明史世宗本紀）

夏四月汪直毛海等既潰散，剽忽往來不可測，溫台寧紹俱罹其患，總將湯克寬（俞大猷部將）率兵循海壩護城堡，追捕斬獲亦相當，於是賊移舟而北犯蘇松郡，二郡素沃饒，至捆載而去。有蕭顯者尤桀狡，率勁倭四百餘，屠上海之南匯川沙，逼松江而以爲樂。嘉定太守所過蹂掠不可言，王忬遣都指揮盧鑑倍道掩擊，斬蕭顯，餘衆復奔入浙，俞大猷等

邀殺殆盡。(明史紀事本末)

七月俺答大舉入寇大同，總兵李汝霖戰死薊門，虜勢亦熾，羅卒出塞輒殺縛，（全邊略記卷一）

是年賊繼光二十六歲，進署都指揮叅事，督山東備倭事。（戚少保年譜）

嘉靖三十三年甲寅（一五五四），先生十四歲。

此數年中，先生均在家與其兄同讀。按嗟思詩六篇中有思兄篇云：「少年夜讀，一几一燈，如臨師傅，如對朋友；兄默我言，兄靜我躁，四方有聞，歸以相告；父母鍾愛，實維在兄」。

五月張經總督江南浙江軍務討倭，任俞大猷爲寧松副總兵。是年虜衆數萬犯潮河，又犯古北，而大同亦告警，上爲肝食，我軍憑牆擊退之。（全邊略記卷一）

嘉靖三十四年乙卯（一五五五），先生十五歲。

先生在家肄業經史之暇，事擊劍，喜談兵，人咸以狂生目之。（舊譜）按：先生有感昔時云：「憶我少年日，悲歌弄寶刀，飲酒動一斗，馳馬弗知勞」之句。

二月趙文華督視海防，十月殺總督尙書張繼，趙文華効繼養寇衆機，疏方上，經未破倭於王江涇，文華懷其功，謂已與巡按胡宗憲督師所致，嚴嵩復從中構之，遂斬經於市，天下冤之。（歷代名人年譜）

十一月^{（中）}申，僑犯興化泉州（明史世宗本紀）。按林子本行實錄作十二月倭迫莆田。

嘉靖三十五年丙辰（一五五六）先生十六歲。

先生讀書雲居山寺。

按是年總兵官俞大猷敗倭於黃浦，秋七月辛巳，胡宗憲破倭於乍浦，九月浙江倭寇暫平，而福建倭患又漸深矣。明書紀是年倭據詔安，而東西洋考亦云：是年十月有倭自漳浦詔安登岸，所過焚掠無計，漳自此歲苦倭。

戚繼光初任浙江寧（波）紹（興）台（州）地方叅將。

又通鑑明紀：十二月東南倭患已四年，朝議練鄉兵禦賊，浙江叅將戚繼光請期三年而後用之，台州知府譚綸亦練千人，立束伍法，自裨將以下節節相制，進止齊一，未幾即成精銳。是月以趙文華言，特設福建巡撫，（案戚繼光條練士兵事，戚少保年譜繫於嘉靖三十六年二月，恐明紀有誤）。

冬大猷以平徐海功，加封都督僉事。

嘉靖三十六年丁巳（一五五七），先生十七歲。

仍在雲居山寺讀書，一夜有虎戲於庭，先生與相視而忘其危。

五嶽遊草卷二叱虎行序云：「憶少年時讀書雲居山寺，虎有牝牡相戲於庭，余視虎，虎亦視余，似相忘於無言者」。

五月俞公大猷，以平浙江倭寇功，進署都督同知。（採功行紀）

是年十一月胡憲誘降海寇汪直，下之獄，其餘黨乃大擾海上。明史日本傳云：十一月賊有揚帆南去者，攻福建之福寧州（今霞浦），破福安寧德二縣，遂泊泉州之浯嶼。

北虜把都兒以數萬入流河口，直犯永安，遷安副帥蔣承勛力戰死之（全邊略記一）

董崇相應舉生。

按應舉有答馮督學書云：「時在嘉靖之癸亥，某僅七歲」之語，則董君當生於本年。

嘉靖三十七年戊午（一五五八），先生十八歲。

以詩質余居陽先生，先生驚唯曰：異哉陳叔子之爲詩也，取意於風雅，取詞於漢魏，然而世弗好也，叔子其窮乎。（寄心集序）

是年大猷繼光等逐倭於浙江，倭乃舉犯粵浙閩三省，福清、南安、惠安、長樂、同安、漳州、福州等地均受禍甚烈。紀事本末載福州巡撫阮鶚不能禦，取庫銀數萬兩賂之，以新造大舟六艘，俾載而去。

黃貞父汝亨生。（按汝亨爲先生老年之友詳見七十三歲條）

陳仲醇繼儒生。

嘉靖三十八年己未（一五五九），先生十九歲。

先生補弟子員，試輒冠軍。（舊譜）

是年倭自浙江象山突台州等地，海道副使譚綸，叅將戚繼光等連破之；胡宗憲誣劾大猷縱賊南奔，播害閩廣，大猷破建至京訊治，廷臣羣惜大猷才，共假貸得三千金餽嚴世蕃，得不死，罷職發大同立功，首創車營。

四月新倭三千多齎攻具攻福寧州、連江、羅源、流劫各鄉，進攻福州，圍經月，旋破寧德；福安叅將黎鵬舉以舟師擊倭於海中七星山屏風嶼（近福安）。時沿海長樂、福清等縣皆有倭舟，而廣東流倭又往來於詔安、平和、漳浦、南靖、長泰各縣，而福州、興化、漳、泉

無地非倭矣。巡撫阮鶚往勸之，倭稍創（參紀事本末）。北方則把都兒辛愛大舉入犯，駐會州，挾朵顏爲嚮導，聲言東下，薊遼總督王忬不能察，遽引兵而東，號令數易，虜乘間入潘家口，渡灤河而西，大掠遵化薊州玉田等地，京師大震，御史交章劾忬，詔獄論死。（參通鑑明紀）

王道思愼中卒，年五十。葉臺山向高生。

嘉靖三十九年庚申（一五六〇），先生二十歲。

先生娶林儒人，案先生晚年有嗟思詩言孺人之德云：『嗟思我妻，德音姜姜，孌婉柔克，敵姑思齊，始來麗余，甘貧茹苦，孝敬維殷，慰我父母，宜於娣姒，推及隣伍，雍雍穆穆，終身不忤，夙通大義，旁涉書史，以道勗夫，以嚴訓子，……』可知孺人之賢。

是年木山公作吏漳州，漳人有林可玉者，與其鄉人五，爲倭掠至漳，幸脫，又爲兵掠，誣獄中，木山公實拔而出之，有再生恩。是後林子感念弗置，每值先生兄弟過漳輒厚款之。

（見五獄遊草卷七贈林可玉引）

按是年俞大猷尙在大同効力，舊譜作『初從都督俞公大猷學兵法』有誤。告俞肅江先生文云：『嗚呼世之明師多矣，孰有若先生者乎，第自萬曆癸酉（一五七三）九月，下帷家居，先生過而聘焉。……』則在先生三十三歲時，不當在二十歲也。

是年春二月，倭寇六千餘人流劫潮州等處，時浙直倭患稍息，而閩廣警報日至。（紀事本末）

葉園適茂才生。

嘉靖四十年辛酉（一五六二），先生二十一歲。

先生讀書中巖寺。

是年戚繼光督新練義烏兵，大破倭寇於台州，水陸凡九捷而平。而閩廣洞賊林朝曦等又糾夥分劫，流寇江西，繼光入贛討平之。（參戚少保年譜）

七月俞大猷以川湖總督黃光昇荐，由鎮筸參將移南贛。

嘉靖四十一年壬戌（一五六三），先生二十二歲。

先生是年八月晤戚公繼光，上平倭策。

按告先人文有云：「嘉靖壬戌，主將戚公入閩，第首仗創從之遊」。（薊門兵事下）

連江縣志作：「嘉靖四十一年，參將戚繼光征倭至連，就第謀，第爲定平倭策」。

是年六月，倭大舉犯福建，自浙江溫州來者，合福寧連江諸倭攻陷壽寧政和寧德各縣。自廣東南澳來者，合福清長樂諸倭攻陷元鐘所，延及龍巖大田莆田古田松溪各縣。時寧德已屢陷，距城十里有橫嶼，四面皆水路險隘，賊結大營其中，官軍不敢擊，相守踰年，其新至倭營福清之牛田，會長營興化，互爲聲援。胡宗憲檄戚繼光往勦之，七月（按戚譜作八月八日）繼光先擊橫嶼賊，人持草一束填壕進，大破其巢，斬首二千六百，（按戚譜作生擒二十九夷，斬首三百四十八級，釋俘男婦八百餘人）。乘勝至福清，擣敗牛田倭，覆其巢。（戚譜作九月壬午）。餘賊走興化，急追之夜四鼓抵賊柵，連克六十營，斬首千數百級，平明入城，興化人始知，牛酒勞不絕。繼光旋師抵福清，遇賊自東營澳登陸，擊斬二百人。（通鑑明紀）

戚少保年譜作八月戊辰（十六日），自寧德發，又明日己巳（十七日）至羅源，庚午（十八日）至連江，補戰兵傷亡者，以中軍兵代其缺，俾各營行伍無缺，器械損折者皆閱而更補之。……九月連破牛田（福清）等倭巢，又追及林墩（在莆田南二十里），盡殲之，登平遠台（在福州城）勒功鑄銘而還。……冬十月轉牛田，再敗新倭，遂自閩班師。……十一月師返浙江，倭乘間陷興化壽寧政和等郡縣。

道光舊譜載是年戚公繼光逐倭於馬鼻（在連江），倭踞江心，潮退四面皆泥淖，計無所出，聞公有狂生名，折柬召之，公攝置几上不視，戚公悔曰，豈有狂生而可折柬致耶，遂親訪之，一見大悅，促膝畫策，祕軍聲作八音以通語，倭乘橈作土板以行泥，選壯士數百人，日各斤肉，飽則手狼筳（原註狼筳竹竿別名，戚公駕鴛陣與藤牌並用，銘按狼筳亦作箕筳）演一必字，人初不側所用，及交鋒倭以短兵，我以長械，且必字五畫，應手踏五人，土板往來便捷，揮以劍無一脫者，今爲業魚之資，邑人有句：「儒將衣冠今已杳，尙教漁子脚撐舟」。

按戚譜此年條下雖記戚公於八月十八日至連江，但並未言逐倭於馬鼻事，因戚譜按日記甚詳，當時駐劄連江係閱補傷亡，整理器械，至八月二十九日大兵即開往福清，以破牛田倭，舊譜所記恐有附會之處，但當年先生以邑諸生，必見及戚公無疑也。福建儒林傳載嘉靖四十一年，戚繼光征倭至連江，第爲定平倭策。

是年俞大猷大破廣東饒平山寇張璉等於南贛，擢副總兵，協守南贛惠潮汀漳諸郡。

嘉靖四十二年癸亥（一五六三），先生二十三歲。

五月戚繼光破倭於連江馬鼻，先生與諸紳勒石紀其功。

是年三月戚繼光復率浙江義烏兵入閩，所過地方必詢賢者，式廬而叩其蘊焉。十七日入浦城，二十二日抵建陽，滅水吉山賊，四月克復興化，平海，崎頭郡，衛城堡。譚綸劉顯俞大猷（時大猷復調爲福建剿倭總兵官）合擊盡殲之。初政和壽寧倭支黨四百餘衆，合船自寧德開洋因風逆食，少復由福寧之高羅登岸，至寧德龜山寺，由羅源連江突至北嶺（在福州北），欲投平海合船，及聞平海已定，遂退連江之馬鼻；五月初二日繼光督軍襲之，賊聞大軍將至，艤舟十二艘，擬乘潮開遁，馬鼻去縣（連江）六十里，重山疊嶺，懸海孤嶼，間只一徑可通羅源，光次日遣部將王如龍等三枝趨羅源，以遏北遁，親督大兵候潮潮進，勦大破之，乘勝追賊至寧德肖石嶺，盡殲之，計水陸擒斬山倭二寇一千六百餘人，焚溺萬計，恢復一府（興化）二縣（政和壽寧）三衛，而八閩稍寧。（探戚譜）

五月五日偕戚公宴將吏於南門（連江敵樓上觀競渡，席半托疾入內，明日未暮捷音至，邑人士謀勒石紀功，公仿春秋書法大書某年月日總戎戚公大破倭兒於馬鼻之碑，暨西郊外。

（舊譜）

是年十月俞大猷徙鎮南贛。（本傳）

十月辛愛把都兒復入寇，大掠順義三河，直抵通州，京師戒嚴。（參明紀）

嘉靖四十三年甲子（一五六四），先生二十四歲。

長女生。

春二月舊倭萬餘攻仙遊圍之，繼光引兵馳赴之，大戰城下，賊敗趨同安，光麾兵追至王倉